

玉函山房輯佚書

目耕帖卷十二

歷城馬國翰竹吾甫

書六

史記晉世家敘文公重耳城濮戰後作王宮于踐土
天子使王子虎命晉侯爲伯云周作晉文侯命王
若曰父義和不顯文武能慎明德昭登于上天布
聞于下維時上帝集厥命于文武恤朕身維予一
人永其在位下接云晉文公稱伯司馬貞紫隱云
尙書文侯之命是平王命晉文侯仇之語今此乃

是襄王命文公重耳之事代數懸隔勳策全乖太
史公雖復彌縫左氏而系家頗亦時有疎謬裴氏
集解亦引孔馬之注而都不言時代乖角何習迷
而同辭也黃氏日抄晉文侯當周東遷有功平王
錫文侯有文侯之命此一時也其後晉文公入朝
襄王乃獻楚俘天子使王子虎命晉侯爲伯賜大
路弓矢秬鬯此又一時也史遷乃取文侯命虜之
文公之下義和者文侯字也注者又云能以義和
我諸侯誤益甚矣翰案太史公生於漢初職司掌

故又嘗從孔安國問以命辭屬文公重耳當有所
據假爲文侯仇事年代懸遠豈應混入且馬融本
列書序王上無平字訓義和云能以義和諸侯亦
不言文侯仇字也後人第執晚出之書序孔傳以
爲真古文因疑斥龍門之信史竊恐太史公不誤
而梅賾輩誤傳之爾

林之奇全解書於呂刑之下有文侯之命費誓秦誓
三篇竊意周太史所藏典謨訓誥誓命之文纔至
呂刑而止後歷幽厲之亂簡編不接其間宣王中

興會諸侯復境土任賢使能南征北伐錫命韓侯
申伯用張仲仲山甫其時大誥命必多矣乃無一
篇見於書意宣王之書必失亡於東遷之亂孔子
既取周太史所藏斷自堯典至於呂刑而於列國
復得命誓三篇遂取而附益其後按左傳鄭子產
曰鄭書有之曰安定國家必大焉先大學引楚書
曰楚國無以爲寶惟善以爲寶是知春秋之世列
國皆有書夫子周流遍觀而於晉得文侯之命於
魯得費誓於秦得秦誓故錄以附於帝王書之末

歟董鼎尙書輯錄纂注文侯之命篇書體與微子
之命蔡仲之命同其事則彼爲封建此爲錫賚耳
班固典引昭登之績匪堯不興鋪聞遺策在下之訓
匪漢不宏蔡邕注引尙書昭登于上段氏撰異今
文尙書作登鋪古文尙書作升敷鋪聞卽敷聞也
漢書谷永傳引經曰亦惟先正克左右師古曰周書
君牙之辭也段氏曰按僞古文君牙永所不見永
正引文侯之命耳

漢書成帝紀鴻嘉元年詔引書曰卽我御事罔克耆

書咎在厥躬注文穎曰此尙書文侯之命篇中辭也言我周家用事者無能有耆老賢者使國之危亡罪咎在其用事者也案此亦用今文

說文支部𢦏字引周書𢦏我于艱郭忠恕汗簡引書作𢦏下注悍魏三字石經遺字有旅弓一旅矢百皆與今書不同

費誓尙書大傳周傳作鮮誓史記魯世家作𢦏誓裴駰集解徐廣云𢦏一作鮮一作獮駰案尙書作𢦏索隱曰尙書作𢦏誓說文米部𢦏字下云周書有

柴誓案今文作鮮三家經或有作𦙴者古文則作𦙴也今書作費誓後人所改

書序東郊不開釋文開舊讀皆作開馬本作闕顏師古匡謬正俗費誓序魯侯伯禽宅曲阜徐夷並興東郊不開孔安國注云徐戎淮夷並起爲寇於東故東郊不開徐仙音開按許氏說文解字及張揖古今字詁闕古開字闕古闕字但闕旣訓開故孔氏釋云東郊不開爾不得徑讀闕爲開

困學紀聞子夏問金革之事無辟孔子曰吾聞諸老

聘曰昔者魯公伯禽有爲爲之也鄭注云有徐戎之難喪卒哭而征之急王事也征之作費誓後世起復者皆以伯禽藉口嘗考書多方王來自奄孔注云周公歸政之明年淮夷奄又叛魯征淮夷作費誓魯世家伯禽卽位之後有管蔡等淮夷徐戎並興於是伯禽率師伐之於盼作盼誓據此則伯禽征淮徐在周公未沒之時非居喪卽戎也左傳穀之役晉始盟若伯禽行之則晉不言始矣禮記之言恐非謂費誓也閻百詩云按孔穎達禮疏禮

記伯禽卒哭者爲母喪也劉氏家龍讀書疑謂費
誓稱魯人必非伯禽也穆王時徐偃畔而自稱王
宣王命召穆公伐淮夷此或召穆公書耳翰案伯
禽書不應序次在呂刑文侯之命下然有可疑魯
僖亦有伐淮夷事然據史記則實伯禽書也

說文牛部牯字引周書今惟牯牛馬支部𡩂字引周
書𡩂乃獲食部餼字引周書峙乃餼糧皆漆書古
文與今書異者支部𡩂字引周書𡩂乃甲冑𡩂字
引周書𡩂乃干鉞字引周書鉞乃弇此漆書古文

與今書同者周禮注引書亦作殿乃獲

史記載費誓穀乃甲冑穀作陳祗復之祗作敬踰垣
牆作牆垣三遂作三隧又峙爾芻茭糗糧楨榦無
敢不逮甲戌築而征徐戎無敢不及有大刑多與
今書異參用今文或括書辭義也又吳世家引書
敬復之徐廣音義敬一作振案作振者今文也
我商賚汝釋文商徐音章意蓋作章顯解也

二郊三遂史記正義引王肅云邑外曰郊郊外曰遂
不言四者東郊留守故言三也與孔傳合集解魯

大國三軍故魯三郊三遂案書序言東郊不開則
留守義長

劉氏家龍讀書疑無餘刑非殺語殊難解意芻莛必
須有餘若無餘則加刑焉而刑又酌罪加減或刑
或殺耳說可取

董鼎尙書輯錄纂注孔子序書以書有治戎征討之
備秦有悔過自誓之戒足爲世法錄之以備王事
猶詩列商魯之頌也

顧氏曰知錄有秦誓故列秦誓有秦詩故錄秦詩述

而不作也謂夫子逆知天下之將并於秦而存之者小之乎知聖人矣秦穆公之盛僅霸西戎未嘗爲中國盟主無論齊桓晉文卽亦不敢望楚之靈王吳之夫差合諸侯而制天下之柄春秋以後蓋中衰吳淵頴曰秦之興始於孝公之用商鞅成於惠王之取巴蜀蠶食六國并吞二周戰國之秦也非春秋之秦也其去夫子之卒也久矣夫子惡知周之必并於秦哉若所云後世一男子自稱秦始皇入我房顛倒我衣裳至沙邱而亡近於圖澄寶

誌之流非所以言孔子矣

惠氏九經古義秦誓若弗云來正義員卽云也尙書本作員衛包改從云周益公日記云文苑英華賦多用員來非讀秦誓正義安知今之云字乃員字省文翰案漢書韋賢傳韋孟諫詩師古注引秦誓雖則員然則秦誓古文云皆作員也

說文心部忝字引周書來就忝忝案今本作未就予忌同是古文何文句殊異如此

說文言部誦字引周書曰戠戠善誦言又戈部戠字

引周書茭茭巧言案截截茭茭古文異字釋文截
截馬云辭語截削省要也調馬本作偏云小也辭
約指明大辨佞之人此皆古文義春秋公羊文十
二年傳惟謔謔善諛言俾君子易怠而況乎我多
有之楚辭劉向九歎說人謔謔就可恕兮王逸注
引尚書謔謔諛言史記三王世家齊王策俾君子
怠用秦誓語與公羊傳合此皆今文也國語安用
是謔謔者韋昭解巧便言也亦依今文爲說

大學引秦誓如有一介臣作若有一个臣斷斷猗作

斷斷兮其如有容下有焉字如自其口出如作若是能容之是作寔保我上有能字亦職作尙亦冒疾作媚嫉不達作不通是不能容是作寔古者經師多口授故往往殊異斷斷說文引周書作節節古文字也

論衡刺孟篇引尙書黎民亦尙有利哉段氏曰此今文尙書也子孫上屬黎民下屬斷句

說文阜部陞字引周書邦之杌陞又引徐巡以爲陞凶也班固說不安也賈侍中說陞法度也徐巡賈

遠皆傳古文班固著太甲篇見隋書經籍志小學類其書佚唯見此一條

孫氏古逸經考按書緯云孔子得黃帝元孫帝魁之書訖於秦穆公凡三千二百四十篇斷可法者百二十篇今序列百篇書止五十八篇其散失者多矣逸文之見於諸書者如民可近也不可上也見周語聖作則慎始而敬終終以不困見左傳不及貢以政接於有庠見孟子將欲敗之必姑勸之將欲取之必姑與之見見國策禹七年水湯五年旱

見經子大道亶亶去身不遠人皆有之舜獨以之
見賈誼書舜彈五絃之琴歌南風之詩而天下治
見風俗通厥兆天子爵見白虎通前師乃鼓鼗操
見周禮大司馬注刑三百罪莫大于不孝見呂氏
春秋毋爲權首將受其咎見漢書大翰若羣雉獮
有爪而不敢以擻見說文又大傳引酒誥王曰封
唯曰若圭璧說苑引秦誓附下而罔上者死附上
而罔下者刑文選注引周書日月星辰四時歲是
爲九星呂覽引夏書天子之德廣運乃神引商書

五世之廟可以觀怪殷本紀引湯詰東爲江北爲
濟西爲河南爲淮今皆無之豈漢魏諸儒僞託歟
抑聖人所刪之餘與秦焰所遺壁書所漏歟墨子
引不慎厥德天命焉保謂出禹總德篇孔序并無
其名則所逸又不獨經文已也翰案孫氏所考逸
書尙有缺漏今綴於此 章施乃服明于上下前書
大傳引若德明哉同上引湯曰予有言人視水見
帝諸篇形視民知治不伊尹曰明哉言能聽道乃進君國
子民爲善者皆在王官勉哉勉哉湯曰汝不能敬

命予大罰殛之無有攸

史記殷本紀金履祥曰史遷載湯征之辭而不

類蓋非湯征之舊也孟子引亮來往排之事疑出此篇

周公奉鬯立于阼階

延登贊曰假王莅政勤

和天漢書王莽傳引維十逸書嘉禾篇

有二年六月庚午肅王命作策豐刑

漢書律志

著惟天民不而葆既防凶心天加之咎不愆厥德

天命焉葆

墨子云禹之總德有之孫引不詳茲錄全文

啓乃淫溢康樂

野于飲食將銘莫馨以力湛濁于酒渝食于野萬

舞翼翼章聞于天大用弗式

墨子引武觀

吉日丁卯周

代祝社方歲于社考以延年壽

墨子明鬼篇引古案古下有缺文

得璣無小滅宗無大

墨子引

晞天聖武知人以屏

輔而身

同上引

已上佚文有篇目可考其他佚

文散句如居安思危思則有備有備無患 聖作

則

並左

念茲在茲順事恕施

家語

小人見茲巧乃

問不言也發罪均 敬哉無天命惟二人而無造

女毋崇天之有命也

福不可請禍不可諱

並

引民善之則畜也不善則讎也 惟予一人營居

于成周予一人有善易得而見也有不善易得而

誅也 允哉允哉

並呂氏

大荒有禱無祀

范甯穀梁傳注

引周惟高宗報上甲微子引恃德者昌恃力者亡

史記引先其算命漢書引前車覆後車戒說苑引咨四岳

曰裕汝眾或有一人王者不施予一人必立

賞罰以定厥功太社惟松東社惟柏南社惟梓

西社惟栗北社惟槐前歌後舞假于上下並白虎通

引師乃指指宮中之亢食朕實不明以俛伯父

並說文引記人之功忘人之過漢書陳湯傳引周書

王伯厚謂伯禽唐誥皆策命篇名大傳之序有拊請

史記殷本紀有太戊一篇孟子注云逸書有舜典

之序律歷志引古文月采篇墨子引有禹總德武
觀禽艾豎年大明去發等篇則是書名尙多有篇
目偶逸者歟

漢書藝文志周書七十一篇劉向曰周時詰誓號令
也隋書經籍志雜史周書十卷汲冢書似仲尼刪
書之餘唐書藝文志云汲冢周書十卷亦入雜史
王應麟云隋唐志繫之汲冢然汲冢得竹簡書在
晉咸寧五年而兩漢已有周書矣太史公引克殷
度邑鄭康成注周禮云周書王會解備焉注儀禮

云周書北唐以同許叔重說文引逸周書大翰蒼
蠶雉又引獮有爪而不敢以擬馬融注論語引周
書月令皆在漢世杜元凱解左傳時汲冢書未出
也千里百縣轡之柔矣皆以周書爲據則此書非
始出於汲冢也按晉束皙傳太康二年汲郡得七
十五篇其目不言周書左傳正義引王隱晉書云
竹書七十五卷六十八卷有名題七卷不可名題
其目錄亦無周書然則繫周書於汲冢其誤明矣
此緯周書非出汲冢能抒獨見但謂杜元凱解左

傳時汲冢書未出則非案杜預春秋集解後序云
汲冢古文七十五卷則杜預見汲冢書矣他證確
不可易李豔謂篇目比漢但闕一篇劉克莊亦謂
七十篇與漢藝文志周書七十一篇合但少一篇
案周書篇目七十合以序一篇適如漢志李仁父
劉后村謂闕其一誤也

逸周書文傳解引開望曰土廣無守可襲伐土狹無
食可圖竭二篇之末不稱之災孔晁注開望古書
名也案此亦是夏商時佚書篇名

目耕帖

卷三

剖开其才哉徃往用用朕朕次則鰥鰥聳聞泉克

羽刊允虞舜典中之岑使孚嗣子漆漆詰也冀

恭存慎別從三四筑龍雷底底式三參終亥亥

頤無與衡暫類又五宅度凡禮歸歸望封汭流殛

災鳴受驩兜皋罪班姓衆海式二術率庀宅命

琴拜晉首高契咎繇皋陶羽播事敷效教屈居坐

垂屬虜艸草符益衆衆但剛亡無訖詩哥歌警舞

內納公別大禹謨戾矢荷帝宅適則攸埜野上無

衆衆澁法股賢造道龍善養養石平度事刑刑攷

彌東簡睡動芳會并棄余爾助勳渠慄卑陶謨猷

翼懇遷大有誼義憲常倉施暖俊益稷與思考云

乘刊湧滄食食宜上弘郊焉象龍龍退退虞庶生

生光光益著群做好好庀度无長皇風光幾迫起

與興万禹貢替岐笈皮蚤蠶中草曰商易陽洪

漢寢夢茆茆冠龜桑洛荷沢荷澤农族邕雍載穢

龍龍全陰漁濟洪溢炆與甘誓斷誓罪戰隆秘馭

御翬戮五子之歌念豫管訓厥視於序嗚呼平

皇厚虫雖允征暮謨考云乱亂曰司湯誓逵遂致

古詩補校

敢奔稱卒亂資資仲勉之話志恐迺乃出舊東栗

仁信恐怨獨獨衰懷湯誥販歸厭厭福福福福

神右佑厭獲困訓肥肥祠祠醜鬼醜醜醜醜

器喪毀國呼呼群太甲彰諸泉桐服祇肅肅政

漁至基后後侵辟考云森無粵越圖圖稅機焚憂

果困迷悅身厥道寵咸有一德烏岸鳴呼亂如盤

庚恣怒害曷哉穢卹恤繇由說命徵率微子敷振

泰誓程穢牧誓誓當考云洪範圍驛怒悔金縢

冊康誥坐封衰裕林茂牧酒誥象飲堅率鑒

梓材商 享亡 龜龜 攸特 季年 君夷 茅滋 多方靈

靈康 王之誥心 應畢 命武 應文 侯之命蚺 盧費 誓

戲杜 秦誓貞 云

山井鼎考文物觀補遺尙書有古本經注與書多異
今錄其經字之異者考文彙典故授人時人作民
汝幾汝作女下皆同舜典格汝舜汝作女下皆同
班瑞于羣后瑞上有五字疇若予工疇作誰聲依
永永作詠大禹謨序禹成厥功厥作丌經艱厥后
艱厥臣允執厥中厥並作丌不虐無告不作弗無

作上九功惟敘九敘惟歌敘並作序卑陶謨九迪
厥德都慎厥身厥並作丌下同五禮有庸哉有作
五五服五章哉章作彰自我民明威威作畏益稷
汝作女篇內皆同否則威之威作畏明庶以功庶
作試誰敢不讓不作弗下皆同惟慢遊是好無惟
字罔晝夜罔水罔作上下同用殄厥世厥作元帝
拜曰俞無帝拜二字禹貢序任土作貢下有作禹
貢三字甘誓威侮五行威作畏左不攻于左汝不
恭命不作弗下皆同五子之歌民可近不可下不

作弗下皆同湯誓汝曰我后不恤我衆不作弗下
皆同仲虺之誥帝用不臧不作弗篇內皆同侯予
后予作我湯誥夏王滅德作威以敷虐威作畏下
天命明威同罹其凶害害作虐無從匪彝無卽慝
淫無作亡下無以爾萬方同爾有善朕弗敢蔽蔽
作弊乃亦有終亦作丕伊訓亦莫不寧不作弗下
除不善外皆同茲惟艱哉難作難太甲上序不明
不作弗經文放此萬世有辭辭作孚無俾世迷無
作亡太甲中無殛之休無作亡下無時豫怠朕承

王之休無教同不明于德自底不類不作弗下皆
同以速戾于厥躬厥作丕下文厥初厥終厥身厥
命並同太甲下惟天無親無作亡鬼神無常享同
天位艱哉艱作難罔不興不作弗下同終始慎厥
與懋敬厥德厥作丕咸有一德伊尹既復政厥辟
厥作丕下文常厥德同動罔不吉罔不凶不作弗
下不獲自盡同盤庚上于今五邦于上有至字山
乃在位山上有曰字小人之攸箴人作民注同悉
至于庭庭上有朝字民用大變用作山汝無侮老

成人無窮孤有幼侮上有老字無作亡無有遠邇
無作亡盤庚中乃登進厥民厥作丕安定厥邦厥
作其無荒失朕命無作亡無起穢無遺育無俾易
種並同罔不惟民之承不作弗不宜乃心爾忱不
屬乃不生生曷不暨朕幼孫有比不救乃死乃有
不吉顛越不恭並同予豈汝威威作畏作丕刑于
朕孫孫上有子字盤庚下無戲怠無作亡無共怒
協比同罔罪爾衆罔有定極罔有弗欽罔並作亡
不肩好貨不作弗說命上不言臣下罔有稟令不

作弗罔作亡下文惟暨乃僚罔不同心臣不命其
承疇敢不祗並放此說命中不惟逸豫乃罔不休
官不及私昵乃不夏言不並作弗惟其能惟其
賢其作厥無患無啓無恥無作亡惟說不言有厥
咎厥作其說命下台小子台作朕一夫不獲則曰
時予之辜不作弗辜作罪高宗彤日無豐干昵無
作亡西伯戡黎序殷始咎周始作亂微子我祖底
遂底作致殷罔不小大不作弗召敵讎不怠同將
食無災無作亡王子弗出我乃顛隲弗作不隲作

隕泰誓上今商王受弗敬弗作不乃夷居弗事上帝同有罪無罪無作亡底天之罰底作致泰誓中吉人爲善惟日不足不作弗篇內皆同無辜籲天無作亡下皆同泰誓下時厥明時下有日字斲朝涉之脛斲作斬作威殺戮威作畏下洪惟作威同郊社不修不作弗篇內皆同惟朕文考無罪無作亡下無夏同牧誓牝雞無晨無作亡昏棄厥遺王父母弟不迪不作弗不愆于六步七步同武成越翼日翼作翌底商之罪底作致今商王受無道暴

殄天物無作亡殄作絕罔不率俾不作弗能厥元
黃無厥字洪範帝乃震怒不畀不作弗不協于極
不罹于咎百穀用不成並同明作哲作作曰凡厥
庶民無有淫朋無作亡篇內無字皆同無偏無陂
陂作頗五者來備者下有是字一極無凶無作亡
旅獎西旅底貢厥獎厥作其生民保厥居同無有
遠邇無作亡無替其服同人不易物不作弗德盛
不狎侮不役耳目不作無益不貴異物不字並同
金縢無墜天之降寶命無作亡我無以告我先王

同我先王亦永有依歸有所字我之弗辟弗
作不大誥不少延洪惟我幼冲人嗣無疆大歷服
不作弗惟下有累字無作亡茲不忘大功不作弗
下文除不敢不知不易不終不僭外皆同天降威
威作畏以于敕寧武圖功敕作撫下敕寧王同民
不靜民下有亦字義爾邦君義作誼無愆于恤無
作亡天斐忱辭辭作詞乃弗肯播弗作不敢弗于
從同肆哉爾庶邦君作肆告我庶邦冢君爽邦由
哲由作用微子之命永世無窮無作亡下文皆同

康誥序封康叔封上有邦字誕受厥命越厥邦厥
民有厥罪小道極厥辜子弗祗服厥父事大傷厥
考心惟厥正人則罔政在厥邦未戾厥心惟厥罪
無在大厥並作其今民將在民上有治字汝丕遠
惟商耆成人汝作女篇內皆同不廢在王命不作
弗篇內除不孝不友不能不念不于不率不適不
于外皆同酒誥無彝酒無作亡篇內皆同惟曰我
民迪小子我上有化字永不忘在王家不作弗亦
不暇越怨不易罔不盡傷不惟自息可不大監並

同裴祖邦君御事小子徂作往人無於水監監作
鑒下文民監大監同予惟曰汝勅汝作女下皆同
梓材汝若恒越曰汝作女王啓監監作鑒下皆同
無胥戕無胥虐無作亡召誥錫周公曰拜手稽首
拜上有敦字無疆惟休無作亡下皆放此天迪從
子保面稽天若面上有禽字王先服殷御事殷上
有大字此介于我有周御事介作途不可不敬德
下不作弗下除不監干有夏我不敢知曰有殷罔
不在厥初外皆同監于有殷監作鑒洛誥序周公

往營成周營上有經字王如弗敢及天基命定命
弗作不下文敘弗其絕同咸秩無文無作罔下無
若火同孺子其朋其往朋下有慎字公曰己下有
乎字無遠用兵無作亡亦未克枚公功枚作撫多
士弗弔弗作不弗克庸同誕淫厥泆泆作洪惟我
事不貳適我不爾動不作弗今爾又曰作爾今又
曰無逸自殷王中宗及高宗及祖甲作自殷王及
高宗下及祖甲君喪弗弔弗作不下弗永弗克弗
戡並同厥基永孚于休厥作其下厥亂同又曰無

能往來無作亡下誕無我責無疆惟休無疆之恤
並同亦惟純佑秉德佑作佐迪知天威威作畏誕
將天畏作誕畏天畏惟若茲茲作此明我俊民
俊作峻鳴呼篤裴時二人上有公曰二字亦罔不
能厥初厥作其蔡仲之命克慎厥猷惟厥終改厥
度厥並作其克勤無怠無若爾考皇天無親民心
無常無作聰明無並作亡多方有夏誕厥逸厥作
其厥圖帝之命慎厥麗乃勸厥民圖厥政逸厥逸
圖厥政厥顧天厥字並同開釋無辜無作亡弗克

以爾多方享天之命弗作不享上有其字乃惟爾
商後王逸厥逸下逸作偷下文爾乃惟逸同我惟
大降爾四國民命無惟字我乃其大罰殛之殛作
極立政三宅無義民義作誼下義德同乃弗作往
任弗作不敢替厥義德不作弗厥作其灼知厥
若顯在厥世放此周官四征弗庭弗作不篇丙除
不庭外不皆作弗訓迪厥官厥作其以利口亂厥
官同無載爾僞無作亡弗畏入畏作弗畏入所畏
君陳惟孝友于兄弟惟孝下有于孝二字作惟孝

于率友于兄弟茲率厥常厥作其圖厥政惟厥中
簡厥修進厥良並同無敢逸豫無作亡爾無忿疾
于頑同若不克見不作弗下文皆同有辭於永世
辭作詞顧命恐不獲誓言嗣不作弗肄肄不違同
逆子釗於南門之外於作于率維大卞作帥修大
辨康王之誥大保率畢公率作帥皆再拜稽首皆
作並誕受茲若受下有厥字昔君文武昔作其不
二心之臣不作弗乃命建侯樹屏侯土有諸字畢
命四方無虞無作亡無窮之基無窮之聞同罔不

祇師言不作弗下文皆同辭尙體要辭作詞惟公
克成厥終公上有畢字亦有無窮之聞亦作其惟
愼厥事厥作其君牙亦惟先正之臣正作王無忝
祖考無作亡小民惟曰怨咨曰作日下同厥惟艱
哉艱作難啓佑我後人佑作佐先正舊與正作生
山井鼎曰先正舊典謹按正永懷罔命罔有不臧
堂本作王古本作生二本似非不作弗下文皆同今予命汝作大正正上有僕字
無以巧言無作亡下無昵同無昵于檢人昵作昵
呂刑罔不寇賊不作弗篇內皆同殺戮無辜無作

亡辜作罪越茲麗刑并制罔差有辭刑作戮辭作
詞民與胥漸胥作匹告無辜于上無作亡下文除
苗民無辭于罰皆同上帝監民民作人有辭于出
辭作詞下師聽五辭五辭簡孚無佖亂辭察辭于
差獄之兩辭無疆之辭並同文侯之命父義和義
作誼既我御事既作卽紹乃顯祖紹作昭盧弓一
盧矢百盧作旅傳同費誓嗟人無譁聽命無作亡
命上有予字無敢不弔無敢寇攘無敢不逮有無
餘刑無並作亡乃越逐不復不作弗無敢不供無

敢不多同秦誓責人斯無難無作亡下無他技同
若弗云來云作員下雖則云然同射御不違我尙
不欲不作弗君子易辭辭作詞斷斷荷作鮎鮎兮
案鮎當是古文鮎字之訛

補遺舜典敬敷五教敬上有而字五子之歌有窮
后羿后上有之字允征惟仲康仲作中伊訓惟奉
洞王祠作嗣盤庚上作福作災作依福依災注同
說命中非知之艱行之惟艱艱並作難注同秦誓
上我聞吉人爲善聞作聽播棄犂老犂作黎注同

泰誓下剖賢人之心剖作割注同武成克伐厥勳
伐作成洪範序武庚庚作康注同金縢永盡偃厥
下有則字康誥序殺武庚庚作康梓材封以厥庶
民民作人立政三有俊俊作峻下三俊三有俊心
同君陳無求備于一人人作夫顧命甲子王乃洮
頽水無王字一人從執銳銳上有鉞字召牙率乃
祖考之攸行攸作道費誓並起爲寇並上有以字
山井鼎考文載古本與蔡氏集傳本異者兩頁北趙
降水蔡本降作淶東池北會于匯蔡本于作爲五

子之歌懔乎蔡本作懔乎咸有一德厥德匪常蔡
本匪作靡盤庚上則匪汝衆自作弗靖蔡本汝作
爾武成師逾孟津蔡本逾作渡多士今爾又曰蔡
本又作其君牙亦惟先正之臣古本正作王桀板
蔡本同文侯之命紹乃顯祖古本紹作昭宋板蔡
本同今蔡氏集傳本北會于匪懔乎師逾孟津今
爾又曰並不作爲作凜作渡作其則蔡傳亦有別
本也

明豐坊有偽撰古書世學六卷託名其父熙云箕子

朝鮮本者箕子封於朝鮮傳書古文自帝興至微
千止後附洪範一篇云徐市倭本者徐市爲秦博
士因李斯坑殺儒生託言入海求仙盡載古書至
島上立倭國卽今日本是也二國所譯書其曾大
父河南布政使慶錄得之以藏於家顧氏炎武日
知錄辨之曰按宋歐陽永叔日本刀歌徐福行時
書未焚逸書百篇今尙存蓋昔時已有是說而葉
少蘊固已疑之夫詩人寄興之詞豈必真有其事
哉日本之職貢於唐久矣自唐及宋歷代求書之

目耕帖

卷三

詔不能得而二千載之後慶乃得之其得之又不足以獻之朝廷而藏之家何也至曰箕子傳書古文自帝典至微子則不應別無一篇逸書而一一盡同於伏生孔安國之所傳其曰後附洪範一篇者蓋徒見左氏傳三引洪範皆謂之商書而不知王者周人之稱十有三者周史之記不得謂商人之書也禹貢以道山道水移於九州之前此不知古人先經後緯之義也五子之歌爲人上者奈何不敬以其不叶而改之曰可不敬乎謂本之鴻都石

經據正義言蔡邕所書石經尙書止今文三十四篇無五子之歌熙又何以不考而妄言之也又案王惲玉堂事記中統二年高麗世子傾來朝宴於中書省問曰傳聞汝邦有古文尙書及海外異書答曰與中國不殊今觀日本山井鼎所撰七經孟子攷文皆就唐宋本注疏校訂同異則豐坊之作僞不待辨而可知也

困學紀聞前賢謂臯夔稷契有何書可讀理實未然周官外使掌三皇五帝之書春秋傳所謂三墳五

典是也黃帝顓頊之道在丹書武王所以端綽東
面而受於師尙父也少皞氏之紀官夫子所以見
郊子而學孰謂無書可讀哉又曰呂氏春秋序意
曰嘗得學黃帝之所以誨顓頊矣爰有大圖在上
大矩在下汝能法之爲民父母不韋十二紀成於
秦八年歲在涒灘上古之書猶存前聖傳道之淵
源猶可攷也又曰漢初古聖未遠帝王遺書猶有
存者賈誼書修政語引黃帝曰道若川谷之水其
出無已其行無止顓頊曰至道不可過也至義不

可易也功莫大於去惡而爲善罪莫大於去善而爲惡故非吾善善而已也善緣善也非惡惡而已也惡緣惡也吾日慎一日帝堯曰緣巧者之事而學爲巧行仁者之操而與爲仁也故飾仁之器以修其財而身專其美矣德莫高於博愛人而政莫高於博利人故政莫大於信治莫大於仁吾慎此而已矣帝堯曰吾存心於先古加志於窮民痛萬姓之罹罪憂衆生之不遂也故一民或饑曰此我饑之也一民或寒曰此我寒之也一民有罪曰此

我陷之也帝舜曰吾盡吾敬而以事吾上故見謂忠焉吾盡吾敬而以接吾敎故見謂信焉吾盡吾敬而使吾下故見謂仁焉吾取之以敬也吾得之以敬也大禹諸侯會則問於諸侯曰諸侯以寡人爲驕乎朔日朝則問於士曰諸大夫以寡人爲汰乎其間寡人之驕之汰耶而不以語寡人者此敎寡人之殘道也滅天下之敎也故寡人之所怨莫大於此也

因學紀問引至汰乎

又曰民無食也則我弗能

使也功成而不利於民我弗能勸也湯曰學聖人

之道者譬其如日靜思而獨居譬其若火舍學聖之道而靜思獨居譬其若去日之明於庭而就火之光於室也然可以小見而不可以大知得賢而舉之得賢而與之譬其若登山乎得不肖而取之得不肖而與之譬其若下淵乎是以君慎其舉而君子慎其與又曰藥食嘗於卑然後至於貴藥言獻於貴然後聞於卑求道者故使人味食然後食者其得味也多使人味言然後聞者其得言也少故以是明王之於言也必自他聽之必自他擇之

必自他聚之必自他藏之必自他行之故道以數
取之爲明以數行之爲章以數施之萬姓爲藏是
故求道者不以目而以心取道者不以手而以耳
致道者以言入道者以忠積道者以信樹道者以
人因學紀聞節去故使人至是故今全錄之又引周文王武王成王問
弼子武王問王子旦師尙父案問弼子是弼子佚
書佚淮南子人間訓引堯戒曰戰戰慄慄日慎一
日人莫蹟於山而蹟於垤此帝王大訓之存於漢
者以上因翰案賈誼新書宗首篇又引黃帝曰日
學紀聞

中必禁操刀必割呂氏春秋去私篇引黃帝曰聲
禁重色禁重衣禁重香禁重味禁重室禁重園道
篇引黃帝曰無常處也有處者乃無處也應同篇
引黃帝曰芒芒昧昧因天之威與天同氣審時篇
引黃帝曰四時之不正也正五穀而已矣漢書胡
建傳引黃帝李法壁壘已定穿窬不繇路是謂姦
人姦人者殺莊列所引尚
多不具錄淮南子□□訓引顓頊
之法婦人不避男子於路者祓之於四達之衢荀
子堯問篇堯問於舜曰我欲致天下爲之奈何對

曰執一無失行微無怠忠信無倦而天下自來執一如天地行微如日月忠信盛於內實於外形於四海天下其在一隅邪又性惡篇引堯問於舜曰人情何如舜對曰人情甚不美又何問焉妻子具而孝衰於親嗜欲得而信衰於友爵祿盛而忠衰於君人之情乎人之情乎甚不美又何問焉尸子堯問於舜曰何事曰事天問何任曰任地問何務曰務人又引務成昭之教舜曰避天下之逆從天下之順天下不足取也避天下之順從天下之逆

天下不足失也

莊子亦載堯問舜答不錢

逸周書大聚解引禹

之禁曰春三月山澤不登斧斤以成草木之長夏

三月川澤不入網罟以成魚鼈之長且以井農力

執成男女之功又文傳解引夏箴曰中不容利民

乃外次又引云小人無兼年之食遇天饑妻子非

其有也大夫無兼年之食遇天饑臣妾與馬非其

有也國語晉語引商銘曰嗷嗷之德不足就也不

可以矜而祗取咎也嗷嗷之食不足狃也不能爲

膏而祗離咎也呂氏春秋應同篇引商箴曰天降

災布祥並有其職又謹聽篇引周箴曰天自念斯
學德未著此皆古帝王之次語因困學紀聞未載
補綴於此

陸德明云典凡十五篇正典二攝十三十一篇亡謨
凡三篇正二攝一訓凡十六篇正二一篇亡攝十
四三篇亡誥凡三十八篇正八攝三十六十八篇
亡誓凡十篇正八攝二一篇亡命凡十八篇正十
二三篇亡攝六四篇亡熊朋來五經說中其肯云
典謨訓誥誓命凡百篇注者有正與攝之分正者

有其義而正其名攝者無其名而附其義正三十
四攝六十六典十五篇正者二堯典舜典攝者十
三禹貢洪範舊作九共九篇藥飮謨三篇正者二
大禹謨皋陶謨攝者一益稷訓十六篇正者二伊
訓高宗之訓攝者十四五子之歌太甲三篇咸有
一德高宗彤日旅獒無逸周官呂刑典寶明居徂
后沃丁誥三十八篇正者八仲虺之誥湯誥大誥
康誥酒誥召誥洛誥康王之誥攝者三十盤庚三
篇西伯戡黎微子武成金縢梓材多士多方君奭

立政帝告釐沃汝鳩汝方夏社疑至臣扈咸乂四
篇伊陟原命仲丁河魘甲祖乙分器將蒲姑誓十
篇正者八甘誓湯誓泰誓三篇牧誓費誓秦誓攝
者二允征湯征命十八篇正者十二說命三篇微
子之命蔡仲之命顧命畢命冏命文侯之命肆命
旅巢命賄蕭慎之命攝者六君陳君牙歸禾嘉禾
成王政亳姑

百篇之序司馬遷云孔子之時周室微而禮樂廢詩
書缺追跡三代之禮序書傳上紀唐虞之際下至

秦繆編次其事故書傳禮記自孔氏劉歆云孔子
修易序書班固云書之所起遠矣至孔子總焉上
斷於堯下訖於秦凡百篇而爲之序言其作意隋
經籍志云孔子刪書別爲之序各陳作者所由孔
穎達云書序馬融鄭元王肅並云孔子所作依經
文也百篇凡六十三序劉知幾曰書列典謨詩含
比興若不先序其意難以曲得其情故每篇有序
敷暢厥義程子云書序夫子所爲逐篇序其作之
之意此皆以書序爲孔子作林之奇云書序乃歷

代史官轉相授受以爲書之總目者非孔子所作
朱子因其說云書序恐卽是經師所作決非夫子
之言自是以後金履祥陳櫟鄒季友孫寶侗之徒
並皆主紫陽說甚有疑其僞造者董銖亦朱子之
徒其言曰書序之作出於聖人無疑學者觀書得
其序則思過半矣其立論不阿如此

朱氏經義考吳文正詩云前漢今文古後晉古文今
若論伏生功遺像當鑄金故所述纂言有今文而
無古文蓋古文出於東晉宋元諸儒疑之者多而

今文則未有疑之者至程子疑金縢之文不可信而括蒼王康熙陽作論謂金縢非聖人之書則并今文而疑之矣甚矣說經之紛綸也又云古文尙書晉唐以來未有疑焉者疑之自吳才老始而朱子大疑之其後吳幼清趙子昂王與耕輩羣疑之至明而梅氏之讀書記羅氏之尙書是正排擊亦多術矣近山陽閻百詩氏復作古文尙書疏證其吹疵摘繆加密而蕭山毛大可氏特著古文尙書冤詞以雪之台兩家之說無異輪攻而還守也愚

閭之見是書久頹於學官其言多輟輯逸書成文
無大悖理譬諸汾陰漢鼎雖非黃帝所鑄或指以
九牧之金則亦聽之且如小戴氏禮王制月令緇
衣諸篇明知作者有人參出於漢儒非禮之舊顧
士子誦習守而不改至於易之序卦傳李清臣朱
翌王申子皆疑焉要不得而去也此爲持平之論
李日華紫桃軒雜綴漢書有中文尙書今但知有今
文古文而不知有中文案後漢書劉陶傳陶字子
奇一名偉潁川潁陰人濟北貞王勃之後舉孝廉

除顯陽長陶明尚書春秋爲之訓詁推三家尚書及古文是正文三百餘事名曰中文尚書中文者謂取古文今文而折其中也

續漢書五行志劉昭注引尚書大傳曰凡六沴之作歲之朝月之朝日之朝則后王受之歲之中月之中日之中則正卿受之歲之夕月之夕日之夕則庶民受之鄭元注自正月盡四月爲歲之朝自五月盡八月爲歲之中自九月盡十二月爲歲之夕上旬爲月之朝中旬爲月之中下旬爲月之夕平

旦至食時爲日之朝禺中至日昃爲日之中晡時
至黃昏爲日之夕受之受其凶咎也此蓋夏禮而
伏生傳之今大傳佚此節盧氏見曾雅兩堂補遺
採入

朱氏經義考尙書類出無名氏書傳略說云按周禮
大行人疏禮記檀弓王制玉藻疏曲禮春秋公羊
傳疏俱引是書未詳作者名氏盧氏見曾並採入
尙書大傳補遺則略說爲大傳篇目之一也

漢書儒林傳世所傳百兩篇者出東萊張霸分析合

二十九篇以爲數十又采左氏傳書敘爲作首尾
凡百二篇篇或數簡文意淺陋成帝時求其古文
者霸以能爲百兩徵以中書校之非是書正義霸
僞作舜典汨作九共九篇大禹謨益稷五子之歌
允征湯誥咸有一德典寶伊訓肆命原命武成旅
獒罔命二十四篇蓋亦略見百篇之序今其書佚
北堂書鈔引百兩篇云伊尹死大霧三日則王伯
厚謂張霸僞百兩篇而爲緯者附之卽此可信矣
孔衍有漢尙書十卷後漢尙書六卷後魏尙書十四

卷刪漢魏諸史取其美詞典言王通有續書一百五十篇列爲二十五卷起漢魏盡晉陳正卿有續尚書纂漢至唐十二代詔策章疏歌頌符檄議奏成書開元末上之劉謨有典謨遺旨取漢唐宋詔詰章奏可爲訓者成書陸世儀有書鑑詩鑑各十卷擬朱子綱目陳黯有禹詰自序謂啓不由父授而書無典訓黯追其旨作禹詰陳士元有廣禹貢楚絕書述楚事仿越絕書爲之白居易有補湯征蘇伯衡有周官補亡獻禾歸禾嘉禾凡三篇此皆

擬經爲之而尙有關於興衰治亂之旨故君子有
取焉若蘇綽之擬大誥蹈莽之迹王伯厚以太元
童牛角馬譏之蘇威五教綽之遺風也

後漢書王景傳景平十二年議脩汴渠乃引見景問
以理水形景陳利害應對敏給帝善之又以嘗脩
浚儀功業有成乃賜景山海經河渠書禹貢圖及
錢帛衣物是漢時有禹貢圖也晉書裴秀傳作禹
貢地域圖十八篇奏之藏於秘府宣和畫譜顧愷
之字長康小字虎頭無錫人義熙中爲散騎常侍

今御府所藏有夏禹治水圖裴孝源貞觀公私畫
史有無名氏禹貢圖宋史藝文志有程大昌禹貢
論圖朱子語錄三衢夏唐老作九疇圖范氏天一
圖書目有無名氏福極對義圖王世貞四部禁有
李郡旅葵圖樓鑰攻媿集有金滕圖說黃潛文獻
集有跋顧直之金滕圖崔植疏開元初宋璟爲宰
相手寫無逸一篇爲圖以獻元宗置之內殿出入
觀省唐國史裴宸殿設無逸圖文彥博潞公集邇
英北壁有仁宗朝講官王洙所寫無逸圖此皆就

尚書一篇爲圖者也國皆佚矣世傳合沙鄭氏朱
刻尚書圖一卷不著撰人名圖凡七十有七一書
篇名二逸書篇名三作書時世四君臣名號五唐
虞夏商周譜系六歷象授時七堯典四仲中星八
日永日短九閏月定時成歲十七政十一五辰十
二璿璣玉衡十三律度量衡十四時月日十五明
魄朔望十六日月冬夏十七箕畢風雨十八九族
十九六宗二十堯制五服二十一彌成五服二十
二疏家弼五服二十三歷代九州封域二十四六

年五服朝二十五諸侯玉帛二十六十二章服二十七五聲八音二十八六律六呂二十九韶樂器三十東坡禹迹三十一隨山濬川三十二九州境三十三鄭氏別州三十四別州圖說三十五導山三十六導山圖說三十七導水三十八導江三十九導江圖說四十導河四十一導淮四十二導濟四十三通冀四十四任土四十五任土圖說四十六諸篇內地名四十七九州山名四十八九州川名四十九禹乘四載五十東坡辨水五十一舜十

二州五十二三條五岳五十三聶氏河議五十四
清獻澮距川五十五洛書自然數五十六九疇本
河圖數五十七洛書本文五十八皇極本數五十
九九疇本大衍數六十九疇相乘得數六十一洪
範九疇總六十二劉向洪範傳六十三老泉先生
洪範六十四老泉先生洪範論六十五顏濱五事
六十六顏濱洪範五事說六十七商遷都六十八
商七廟六十九周營洛邑七十召誥土中七十一
干羽七十二周彝七十三太常七十四圭瓚七十

五牧誓兵器七十六費誓兵器七十七諸儒傳授
書學所謂聶氏謂麟也合沙漁父鄭東卿自號當
卽其所著書也其圖詳賅可與聶崇義三禮圖無
名氏爾雅圖鼎足矣

朱子書說宋史藝文志陳振孫書錄解題文獻通考
並著錄七卷陳氏曰晦庵門人黃士毅集其師說
之遺以爲此書晦庵於書一經獨無訓傳每以爲
錯簡脫文處多不可強通今惟二典禹謨召誥洛
誥金縢有解及九江彭蠡皇極有辨其他從文集

語錄中摘出郡穆云蓋當時門人取語錄文集中
語以成之非朱子意也朱氏經義考文公書說黃
氏所錄外又有湯氏中所輯今不傳困學紀聞載
朱文公曰蘇氏傷於簡林氏傷於繁王氏傷於鑿
呂氏傷於巧然其間儘有好處案蘇軾東坡書傳
十七卷林之奇尚書集解五十八卷王安石新經
尚書十三卷又洪範傳一卷呂祖謙東萊書說十
卷林書至洛誥而止呂書自洛誥而終時瀾又增
脩東萊書說並見文獻通考朱子所取四家是也

文獻通考又載吳棫書稗傳十三卷首卷舉要曰
總說曰書序曰君辨曰臣辨曰考異曰訓詁曰差
互曰孔傳凡八篇考據詳博又鄭樵書辨訛七卷
其目曰糾繆四闕疑一復古二樵以遺逸召用博
物洽聞然頗迂僻朱子於二家亦每取之

白居易補湯征長慶集載之今錄全文於此葛伯荒
怠禮廢祀湯專征諸侯羣徂往之湯若曰格爾三
事之人逮於有衆啓乃心正乃容明聽余言咨爾
先格王有彝訓曰祿無常荷荷於仁禍無常享享

於敬惠乃道保厥邦覆乃德殄厥世惟葛伯反易
大道怠棄邦本虐於民慢於神社稷宗廟罔克尊
奉暨山川鬼神亦靡禋祀告曰罔犧牲以供俎羞
予畀厥牛羊乃既以盜食曰罔黍稷以奉粢盛予
佑厥黍稷乃困於仇餉今爾衆曰葛罪其如台予
聞曰爲邦者祇奉明神撫綏烝民二者克備乃克
保厥家邦吁廢於祀神震怒肆於虐民離心頃糴
契以降暨於百代神怒民叛而不顛隳者匪我攸
聞小子履以涼德欽奉天威肇征有葛咨爾有衆

克濟厥功其有倣師徒戒車乘敬君事者有明賞
其有罔率職罔戮力不恭命者有常刑明賞不僭
常刑無赦嗚呼朕告汝衆君子監於茲欽哉懋哉
罰及乃躬不可誨